



ჩემი გიმნაზია



სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №7 ივლისი 2016 წ.

**გაზეთი გაემოღოს გიმნაზიის ღირსმართლის სტეფანწმინდისა და ხევის
მთავარეპისკოპოს იმეზღიელის ღირსა-კურთხევათ.**

**29(12.07) — ხსენება ღიღეზულთა და
ყოვლადქაზულთა, თავთა მოციულთა
პეტრესი და პავლესი**



**წმიდა მოციქული პეტრე
(სიგმონი)** გალილეელი მეთევ-
ზის, იონას ძე იყო. მას განკაცე-
ბული უფლის გამოჩენა მამ, ანდრია პირველწოდებულმა ახ-
არა და მანვე მიიყვანა იესოსთან.
ერთხელ პეტრე იაკობთან და
იოანესთან ერთად გენესარეთის
ტბაზე თევზაობდა, მთელი ღამის
უშედეგო თევზაობით დამაშვრალ
და შეწუხებულ სიმონს უფალმა
ურჩია, კიდევ ერთხელ გადაეხ-
როლა ბაღე ტბაში. ისიც კურთხ-

ევას დაემორჩილა და სასწაული იხილა: „შეაყენეს თევზისა სიმრავლე და
ღიდი და განსქდებოდეს ბაღენი მათნი“.

საკვირველი სახილველით შემოწული პეტრე ფეხებში ჩაუვარდა
ქრისტეს: „განვედ ჩემგან, რამეთუ კაცი ცოდვილი ვარ, უფალო“. იესომ
მიუგო: „ნუ გეშინი, სიმონ! ამიერიდან იყო კაცთა მონადირე“. ნაპირზე
გამოსულმა უფლის რჩეულმა ზებედეს ძეებთან ერთად დაუტყვეა ყოველი
და მიჰყვა მესიას.

იესო ქრისტეს აღდგომის შემდეგ პეტრე ღვთის სიტყვის მზრუნველ
მქადაგებელი და პირმეტყველ ცხოვრება ერთგული მწყემსი შეიქმნა.
სულთმოფენობის დღეს მისმა მადლმოსილმა სიტყვებმა სამი ათასი კაცი
მოაქცია ჭეშმარიტ სარწმუნოებაზე. სხვადასხვა დროს პეტრე იმყოფე-
ბოდა ანტიოქიაში, რომში, მცირე აზიის, ეგვიპტის, საბერძნეთის, ესპა-
ნიისა და ბრიტანეთის ქალაქებში. იგი ყველგან ქრისტეს სწავლების
მარცვალს თესავდა და აფუძნებდა ეკლესიებს. მის ქადაგებას მრავალი
სასწაული ახლდა თან; სწეულები პეტრეს ჩრდილითაც კი იკურნებოდ-
ნენ.

წმიდა მოციქული მოწამეობრივად აღესრულა რომის სისხლიანი იმ-
პერატორის ნერონის ზეობისას.

ჯვარზე თავდაღმა მიმსჭვალულ უფლის რჩეულს სულის ამოხლო-
მამდე არ შეუწყვეტია ქადაგება.

პეტრე მოციქულმა დაგვიტოვა ორი ეპისტოლე, რომლებიც ახალი
აღთქმის წიგნებშია ჩართული. პეტრეს მოწაფის, მარკოზის სახარებაც
მის მიერ არის მოწოდებული და ნაკურთხი.

წმიდა მოციქული პავლე ისრაელიანი იყო, ბანემიანის ტომიდან,
სჯულთი ფარისეველი. გულისხმიერი ჭაბუკი განისწავლა მოსეს რჯულ-
ში და როგორც ფარისეველი, მისი მტკიცე აღმსრულებელი შეიქმნა.

პეტრეს ისე სძულდა ქრისტიანები, რომ „ფრიად მაგნებელი იყო
ეკლესიათა მიმართ. სახლებსა შევიდოდა და ითრევდა მამებსა და დედებს
და მისცემდა საპერობილად“.

ერთხელ დამასკოსთან ახლოს პეტრემ ზეციდან გარდამოსული ნა-
თელი იხილა, ზეციური ხილვით გაოგნებული და შეშინებული „დაეცა
ქუეყანასა ზედა, ნათლითგან გამოისმა: „მე ვარ უფალი იესო, რომელსაც
შენ მღვენი“. იესომ უბრძანა პეტრეს ქალაქში შესულიყო და დანარჩენი
იქ გაეცხადებოდა. სამი დღის შემდეგ უფლისმძიერი კურთხევით მოცი-
ქულთა მოწაფემ, ანანიამ, პავლე მონათლა.

ამის შემდეგ უწინდელი ფარისეველი და ქრისტიანთა სასტიკი
მღვანელი, მტკიცე აღმსარებელი და უფლის გამორჩეული მოციქული
შეიქმნა.

სულიწმინდის ბრძანების თანახმად, პავლე მოციქული მარკოზისა და
ბარნაბას თანხლებით წარმართთა შორის ქრისტეს სჯულის საქადაგე-
ბლად გაემგზავრა. მან მოიარა სელივკია და კუნძული კვიპროსი. მისგან
ქადაგებული სჯულის ჭეშმარიტება მრავალი სასწაულით მტკიცდებო-
და. ამის შემდეგ იგი ლუკას და შილას თანხლებით კვლავ გაემგზავრა
ქრისტეს სწავლების გასაგრძელებლად. გაიარა სირია, კილიკია და ლიკ-
ონია, ეგვიპტეში და საბერძნეთში. მცირე შესვენების შემდეგ კი უკან
დაბრუნდა და გზად ფეგესოსა და კესარიამი შეჩერდა. დააარსა ახალი
ეკლესიები და განამტკიცა ძველნი.

ტკივილებითა და განსაცდელებით დამძიმებული პავლე ღვთის ნებით
ამ სოფელშივე შეიქმნა ენითაუწერელი ნეტარების ღირსიც: იგი მესამე
ცაზე იქნა ატაცებული, სამოთხის სიტკბოება იგემა და „ესმნეს უთქმელი
სიტყუანი, რომელ არა ჯერ-არაიან კაცთა სიტყუად“.

უფლის სათნოებოფელი მოციქული მტარვალემა კესარიამი
შეიპყრეს, აქედნ კი რომში გაგზავნეს, სადაც 67 წელს იმპერატორი
ნერონის ბრძანებით თავი მოჰკვეთეს.

პავლე მოციქულმა დაგვიტოვა 14 ეპისტოლე, რომლებიც „ახალი
აღთქმის“ წიგნებში შედის. ერთ-ერთი სახარებისა და „საქმე მოცი-
ქულთას“ ანტორი — ლუკაც მისი მოწაფე იყო.

უფლის სათნოებოფელნი — პეტრე და პავლე თავიანთი ღვაწლით
იმდენად გამოიჩინეს ქრისტეს მოწაფეებს შორის, რომ ეკლესიამ თავნი
მოციქულნი უწოდა წმინდანებს და ერთ დღეს დააწესა მათი ხსენება.

24(7.07) შობა იოანე ნათლისმცემლისა

როგორც წმიდა სახარება (ლკ. 1,5-80)
მოგვითხრობს, იოანე ნათლისმცემლის
მშობლები — მღვდელმთავარი ზაქარია
და ელისაბედი, „იყვნეს... წინაშე ღმრთი-
სა მართალ“, მაგრამ სიბერის ასაკს ისე
მიადწესეს, რომ შვილი არ მისცემიათ.
ერთხელ, როცა ზაქარია იერუსალიმის
ტაძარში ღვთისმსახურებას აღასრულებ-
და, „იყენა მას ანგელოზი უფლისაი“ და
ამცნო: „შეისმინეს ვედრებანი შენნი, და
ცოლმან შენმან ელისაბედ გიშვეს შენ ძე,
და უწოდი სახელ მისი იოვანე“. შვირწუ-



გთხოვთ, გაუფრთხილდეთ გაზეთს გასში დაგამქდილი ტიქსტის და ფოტოგასაღის გამო.

ებული ზაქარია დაეჭვდა ზეციური მახარობლის სიტყვებში, რისთვისაც დაისაჯა — მეტყველების უნარი წაერთვა.

ახალგაზრდობის ასაკს საკმაოდ გადაცილებული წმიდა ელისაბედი დაფეხმძიმდა. ხალხის დაცინვისათვის თავი რომ აერიდებინა, იგი „იფარვდა თავსა თვისსა ზუთი თთუე“, სანამ შორეულმა ნათესავმა „ყოვლადწმიდა ქალწულმა მარიამმა არ მოიკითხა.

როცა „ელისაბედისნი აღივსნეს ჟამნი შობისა მისისანი... ესმა გარემოთა და ნათესავთა... და მის თანა იხარებდეს“. მერვე თვეს ჩვილს, მოსეს სჯულის თანახმად, წინადაცვიტეს და აპირებდნენ, მისთვის ზაქარია დაერქმიათ, მაგრამ ელისაბედმა განაცხადა: „არა, არამედ ეწოდოს მაგას იოვანე“. ყველანი გაოცდნენ — ეს სახელი ზომ მის მოდგმაში არავის ერქვა და ზაქარიას სოხოვეს, ენიშნებინა მათთვის, რა უნდოდა ძისთვის ეწოდებინა. მანაც „მოითხოვა ფიცარი და დაწერა და თქუა: იოვანე არს სახელი მისი და გაუკვირდა ეს ყოველთა“. ღვთის განგებით, ზაქარიას ისევ დაუბრუნდა მეტყველების უნარი, სულიწმიდის მადლით, წინასწარმეტყველებაც დაიწყო და თქვა: „კურთხეულ არს უფალი ღმერთი ისრაელისაჲ, რამეთუ მოხედნა და ვო კსნაჲ ერისა თვისისაჲ, და აღმიდგინა ჩვენი რქაჲ ცხოვრებისაჲ შორს სახლსა მას დავიდით მონისა თვისისა“. ჩვილს კი მიმართა: „და შენ ყრმაო, წინასწარმეტყველ მადლის იწოდო, რამეთუ წარუძღუე შენ წინაშე პირსა უფლისასა განმზადებად გზათა მისთა“.

2(15) ივლისი — დაღუპა კატიონისა სამოსელისა ყოვლადწმიდისა ღვთისმშობლისა ვლადიმერისა



ბიზანტიაში ლეონ დიდის, მაკედონელის ზეობისას მეფესთან დაახლოებული პირები, ძმები გალბიუსი და კანდიდე კონსტანტინეპოლიდან პალესტინაში გაემგზავრნენ წმიდა ადგილების მოსალოცად. ნაზარეთის მახლობლად მდებარე პატარა სოფელში ისინი ერთ მოხუც ქალთან დარჩნენ ღამის გასათევად. სახლში სტუმრების ყურადღება ანიებულმა სანთლებმა და საკმევლის სურნელებამ მიიპყრო. კითხვაზე, თუ რა სიწმიდე ინახებოდა მასთან, მასპინძელს დიდხანს არ სურდა პასუხის გაცემა,

მაგრამ ძმებმა დაჟინებით მოითხოვეს და ქალიც იძულებული გახდა, გაეძილა, რომ იგი იცავდა ძვირფას სიწმინდეს — ღვთისმშობლის სამოსელს, რომლისგანაც მრავალი სასწაული და კურნება აღესრულებოდა.

ყოვლადწმიდა ქალწულმა მიძინების წინ ერთი თავისი შესამოსელთაგანი ამ ტომის კეთილმსახურ ებრაელ ქალწულს აჩუქა და სთხოვა, რომ სიკვდილის მოახლოებისას ის სხვისთვის, ქალწულისათვისვე გადაეხადებინა. ასე, თაობიდან თაობას გადაეცემოდა სიწმინდე ამ ოჯახში. ძვირფასი კილობანი წმიდა სამოსლით კონსტანტინეპოლში გადაასვენეს. პატრიარქი გენადი (+471 ხს. 31 აგვისტოს) და იმპერატორი ლეონი კრძალვით მიეხილნენ და ეამბორონენ მას. ვლადიმერში, ზღვის სანაპიროზე, ღთისმშობლის პატივსაცემად ახალი ეკლესია ააგეს. 458 წლის 2 ივლისს წმიდა გენადი კონსტანტინეპოლელმა ახალ კილობანში ჩაბრძანებული სიწმინდე შესაფერი პატივით გადაასვენა ამ ტაძარში. შემდგომში ღვთისმშობლის პატიოსანი სამოსლის კილობანში ჩააბრძანეს მისი წმიდა ომოფორი და სარტყლის ნაწილი. დღესასწაული აერთიანებს ორ მოვლენას: ღვთისმშობლის სამოსლისა და მისვე სარტყლის დაღუპას ვლადიმერში.

13 ივლისი — სპეტიცხოველი — კრება ღმ. დიდუბულთა ათორმეტთა მოციქულთა

სპეტიცხოველი — ქართული კულტურის, ხელოვნებისა და არქიტექტურის უმნიშვნელოვანესი ძეგლი გამოირჩევა არა მხოლოდ თავისი მხატვრული ღირსებით, დიდებულებითა და პარმონიულობით, არამედ იმ განსაკუთრებული როლითაც, რომელიც მან ქართველი ერის ისტორიაში შეასრულა.

სპეტიცხოველი, უპირველეს ყოვლისა, წარმოადგენდა საქართველოს რელიგიურ ცენტრს, რადგან იგი იყო საპატრიარქო ტაძარი. საქართველოს ეკლესიის მეთაურთა, კათოლიკოს-პატრიარქთა რეზიდენცია. სწორედ სპეტიცხოველში ხდებოდა საქართველოს ეკლესიის მეთაურთა კურთხევა, ჯვრისწერა, ქართველ უფლისწულთა მონათევა. აქ ხდებოდა



ქართველ მეფეთა, დედოფალთა, ბატონიშვილთა და კათოლიკოს-პატრიარქთა დაკრძალვა.

სპეტიცხოველის დღევანდელი ნაგებობა XI საუკუნისაა.

პეტრე-პავლობის მომდევნო დღეს ეკლესია ქრისტეს თორმეტ მოციქულთან ერთად იხსენიება.

კრება წმიდა დიდებულთა ათორმეტთა მოციქულთა კრეფსითობას — ეკლესიის ერთიანობას ნიშნავს.

მაცხოვრის თორმეტი მოციქულის სახელებია: პირველად სიმონ, რომელსაც ეწოდა პეტრე და ანდრეა — ძმაი მისი, იაკობ ზებედესი და ძმაი მისი — იოვანე ფილიპე და ბართლომე, თომა და მატეოს მეზუერი, იაკობ ალფესი და ლებეოს, რომელსაც ეწოდა თადეოს, სიმონ კანანელი და იოანე ისკარიოტელი, რომელმაც გასცა იგი.

კრება წმიდათა დიდებულთა და ყოვლადქებულთა ათორმეტთა მოციქულთა უძველესი დღესასწაულია. ეკლესიას ჭეშმარიტების ამ ქადაგათაგან თითოეულის დეაწლის მოსაგონებლად საგანგებო დღე აქვს დაწესებული, მაგრამ პეტრე-პავლობის მომდევნო დღეს ყველა მათგანს ერთად იხსენიებს.

ცნობები ამ დღესასწაულის აღნიშვნის შესახებ IV საუკუნიდან მოგვეპოვება.

ტროპარი: მოციქულნი წმიდანო ევედრენით მოწყალესა ღმერთსა, რათა ცოდვათა შენდობა მოგვანიჭოს და სულთა ჩვენთა დიდი წყალობა.

გიმნაზიის IX კლასის მოსწავლე მარიამ წიკალური აგრძელებს თავისი გვარის გამოჩენილი ადამიანების ბიოგრაფიების მოძიებას. ამჟამად ის გესაუბრებათ აფხაზეთის ომში დაღუპული გმირი ძმების ვასილ და ნუკრი წიკალურებისა და თეიმურაზ და ზურაბ ზაღდასტანიშვილების შესახებ, რომელთა დედა ბელა წიკალური-ზაღდასტანიშვილი ასევე მოხვევ ქალატონია.



გმირები აფხაზეთიდან

2014 წლის დეკემბერში აფხაზეთიდან თბილისში ჩამოასვენეს საქართველოს დამოუკიდებლობისათვის მებრძოლი 12 გმირის ნეშტი. მათ შორის იყვნენ ჩვენი მოხვევ გმირები. წმინდა სამების საკათედრო ტაძარში მოხვევ ქალი, ბელა წიკალური დასტიროდა ოთხ უძვირფასეს ნეშტს: საკუთარ შვილებს თეიმურაზ და ზურაბ ზაღდასტანიშვილებსა და საკუთარი შვილებით გაზრდილ ორ ძმას — ვასილ და ნუკრი წიკალურებს.

ტყუბი ძმები ვასილ და ნუკრი ზაქარიას ძე წიკალურები ვაზბეგის რაიონის სოფელ ტყარშეთიდან იყვნენ. ნაძალადევის რაიონში ცხოვრობდნენ, იქვე მდებარე სტადიონზე გადიოდნენ მომზადებას და ატარებდნენ შეჯიბრებებს, ახლა მას ვასილ და ნუკრი წიკალურების სახელობის სტადიონი ეწოდება.

ოთივე ძმა უშიშროების სამინისტროს თანამშრომლები იყვნენ და 1993 წლის 22 სექტემბერს სახელმწიფო მეთაურის, ელუარდ შევარდნაძის სოხუმიდან გამოყვანის ოპერაციაში მონაწილეობდნენ. მათი თვითმფრინავი ბაბუშერას აეროპორტში ააფეთქეს.

ვასილ და ნუკრი წიკლაურები და თემურ და ზურაბ ზაღდასტანიშვილები სამხედრო პატივით დაიკრძალნენ დიდშის ძმათა სასაფლაოზე.

ივლისის თვის საეკლესიო კალენდარი

4 — ხს. წმ. მოწ. არჩილ და ლუარსაბისა.

7 — შობა იოანე ნათლისმცემლისა.

10 — ხს. ღირსი გიორგი მთაწმინდელისა; მღვდელმთავრისა კირიონ II, სრულიად საქართველოს კათოლიკოს-პატრიარქისა (1918).

12 — დიდებულთა და ყოვლადქებულთა, თავთა მოციქულთა პეტრესი და პავლესი.

13 — სვეტიცხოვლობა — კრება წმ. დიდებულთა ათორმეტთა მოციქულთა.

15 — დაღება პატიოსნისა სამოსელისა ყოვლადწმიდისა ღვთისმშობლისა ვლადკერნას.

28 — ხს. კვირიკესი და ივლიტასი (305).

30 — ხს. დიდმოწამე მარინესი. ღირსი ლაზარესი.

ვისი გორისა ხარ

გაგრძელებთ წერილების წერას რუბრიკით: „ვისი გორისა ხარ“. ამჯერად გვესაუბრება გიმნაზიის VI კლასის მოსწავლე ნიკა ქუშაშვილი, რომელმაც საინტერესო წერილი მოგვანოდა თავისი გვარის შესახებ.

ქუშაშვილთა გვარი



ქუშა — კაცის საკუთარი სახელია. ქუშაშვილთა გვარის ფუძეში დევს წინაპრის სახელი, ისევე, როგორც ქართული გვარების უმრავლესობაში.

ქუშაშვილი ერთდირიანი გვარია, ანუ ყველა ქუშაშვილი ერთი წინაპრის შთამომავალი და ერთმანეთის ნათესავია. ქუშაშვილთა გვარის წარმოშობის ადგილია აღმოსავლეთ საქართველოს მთიანეთი, თერგის ხეობა, ხევი.

სოციალური მდგომარეობით მოხვეწე ქუშაშვილები თავისუფალი მთიელი მეთემეები იყვნენ.

არსებობს ზეპირი გადმოცემა, რომ ქუშაშვილები ადრე ზედგენიძეები ყოფილან. ამ გადმოცემის მიხედვით, ქუშაშვილთა წინაპარი ზედგენიძე ჯავახეთიდან გადასულა ხევში, მაგრამ მოხვევებმა იციან მეორე გადმოცემაც, რომლის მიხედვითაც სამი ძმა ზედგენიძე დასავლეთ საქართველოდან ყოფილან და არა ჯავახეთიდან. ამ სამი ძმიდან ორი ხევის სოფელ ყანოშში დასახლებულა, მესამე კი სათარგმანოში გადასულა. ორი ძმისაგან ყანოშში ვარდიშვილების და კურკუმულების გვარები წარმოშობილა. მესამე ძმისაგან კი ქუშაშვილები მოდიან.

ზედგენიძე ერთ-ერთი უძველესი გვარია საქართველოში. ამ გვარიდან მომდინარეობს თავად ამილახვართა და თავად გურამიშვილთა გვარები.

ზეპირი გადმოცემით ზედგენიძეთა ერთ შტოს მეზობელი გადამტერებული გვარი დასცემია და სრულად ამოუწყვეტია. გადარჩენილა ზედგენიძეთა ერთი ორსული რძალი, რომელიც თავდასხმის დროს მამის სახლში ყოფილა ქისტეთში. ქალს ბიჭი გაუჩნია, ის ბიჭი ქისტეთში გაზრდილა, დედულეთში. უკვე დაჯავჯაცებული ხევში მობრუნებულა და თავისი მამა-ბიძების სისხლიც აუღია. მოხვეწე ქუშაშვილები იმ ბიჭზე მოდიან.

ღმეთისა და საქართველოს და ბაგრატიონთა ტახტის ძლიერებისათვის ქუშაშვილთა გვარის მეომრები ქუდზე კაცად გამოდიოდნენ ქართლის სამეფო ლაშქრის მებრძოლნი სადროშოში არაგველთა შორის.

ამჟამად ქუშაშვილები ცხოვრობენ ისევ სტეფანწმინდაში, დაახლოებით 60 კომლი და თბილისში დაახლოებით 30 კომლი.

საქართველოში ქუშაშვილთა გვარის საერთო რიცხვი 360 სულს აჭარბებს.

ღმერთმა ამრავლოს გვარი ქუშაშვილთა. ჩვენს გაზეთში დაბეჭდილი იქნა გურჯის ლექსი კი იმდენად მომეწონა, რომ კიდევ ერთხელ მინდა დაიბეჭდოს.

„იმას შეილად ვერ მივიღებ,
წინაპრების აკანს წვაედეს,
სირცხვილი იმ გუთნისდელას,
თავის მამის საფლავს ხნავდეს“.

ნიკა ქუშაშვილი
გიმნაზიის VI კლასის მოსწავლე

„არსად ისე არ მღერიან, როგორც აჰ, აჰ ქვეყანაში“

საქართველო სიმღერების ქვეყანაა. ქართველი მთელი სულითა და გულით მღერის. ამიტომაც, რომ მსოფლიოს ხალხი აღიარებს ქართული ჰანგების საოცრებას. რამდენი ქვეყანა მოხიბლულა ქართული სიმღერებით და თავის ქვეყანაში შეუქმნია ქართული სიმღერების შემსწავლელი ანსამბლები და ისინი ისეთი სიყვარულით ეკიდებიან ამ საქმეს და ისეთი მონღომებით სწავლობენ, რომ ქართველი შემსრულებლებისაგან ვერ გამოარჩევთ. მაგალითად, იაპონელი მომღერლები, ნორვეგიელი სვენ ვოგე ისე მოიხიბლა ქართული „ჩაკრულოთი“, რომ ის საქართველოში დასახლდა, შექმნა ქართული ოჯახი და თავის სახლში ჩამოაყალიბა ქართული ანსამბლი.

მოხვევები ოდითგანვე გამოირჩეოდნენ თავისი განსხვავებული მუსიკითა და ფოლკლორით. გასული საუკუნის 50-იან წლებში ჩამოყალიბებულმა ხალხურმა ანსამბლმა მთელ საქართველოში გაითქვა სახელი და მათი შესრულებული სიმღერები დღესაც სიამოვნებით ისმინება. უძველესი მოხუერი სიმღერები „სამებაი“ და „დიდებაი“ დღესაც არ კარგავს თავის ხიბლს. ამ სიმღერებს კარგად ასრულებს ანსამბლი „ერობაი“, რომელსაც ჩვენი გიმნაზიის გალობის მასწავლებელი თამარ ზაიკაშვილი ხელმძღვანელობს. ანსამბლი დაარსდა 2015 წელს. ანსამბლის წევრები ხალხური სიმღერების სიყვარულმა გააერთიანა. მათი მიზანია მშობლიური კუთხის ფოლკლორული ნიმუშების შესწავლა და პოპულარიზაცია.

ხალხურ სიმღერებს აღადგენს და პროფესიულ დონეზე ასრულებს მოხუერი ანსამბლი „დიდებაი“ (ხელმძღვანელი ეთერ მაისურაძე). ანსამბლი დაარსდა 1995 წელს. ჯგუფის მიზანი მშობლიური კუთხის მუსიკალური ფოლკლორის პოპულარიზაციაა.

წმ. ილია მართლის სახელობის გიმნაზიაში რამდენიმე თვის წინ მეუფე იეგუდიელის ლოცვა-კრუთხევით და წმ. ელია წინასწარმეტყველის ეკლესიის მორჩილის, კონსტანტინე ქავთარაძის ხელმძღვანელობით გიმნაზიის მოსწავლეების ბაზაზე ჩამოყალიბდა ანსამბლი „დელოვანი“. რამდენს მიადწიეს ბავშვებმა ამ მოკლე დროში. მე თვითონ მონაწილე ვარ ამ ანსამბლის და ძალიან ვამაყობ ამით.

მოხვევებში დიდი ნიჭი იმალება მუსიკის განხრით. ვფიქრობ, მუსიკალურ განვითარებას ხელი შეუშალა იმან, რომ წლების განმავლობაში არ გვექონდა რაიონული კლუბი. რაიონის ხელმძღვანელობის ძალისხმევით ეს საკითხი დადებითად გადაწყდა და რაიონის მოკლე დროში ექნება კულტურის სახლი, რომელიც დააკმაყოფილებს თანამედროვე მოთხოვნილებებს. კარგი იქნებოდა დაარსებულიყო სამუსიკო სკოლა, რომელიც ადრე თურმე კარგად მუშაობდა.

ქართველებს საამაოდ გვაქვს ის ფაქტიც, რომ ქართული სიმღერა „ჩაკრულო“ კოსმოსში გაიგზავნა, როგორც ხალხური სიმღერის უნივერსალური ნიმუში.

და ბოლოს, მე ისევ გალაკტიონის ლექსით მინდა დავასრულო. მართლაც „ისე არსად არ მღერიან, როგორც აჰ, აჰ ქვეყანაში“.

ანა გელაძე
VII კლასი





დედას

მე შემეშინდა და გამოვიქცე
და მოგაშურე უკანვე, დედა,
მე შემოგნივლე, რომ გარეთ ცივა,
რომ ქვეყნად სუფევს ჭმუნვა და სევდა.

ლაბრუნებული ბარტყი ბუდეში
შენც მერცხალივით უარმეყე, დედა,
შენ მკაცრად მითხარ, რომ ეს ასეა
და შეგეგო ცხოვრებას უნდა!

მე გამოგბრუნდი და გზა განვაგრძე,
ლახლახით, ყელში გაჩრილი ბურთით
და ცრემლნარევი შენი სიმკაცრე,
თან წამყვა, როგორც გაყვნილი ხუნდი!

შენ ახლა უკვე საფლავი გქვია
და ახლა გეტყვი, რაც ვერ ვთქვი, ბედად —
შემინდე დედა, რაც გაწვენიხე,
ისე, როგორც მე, რომ მშვი ამ ქვეყნად!

მე ლოვა შენი ქვის მკერდზე მიდევს
და ისევ იმ ძველ საჩივარს ვბედავ,
რომ გარეთ ცივა, რომ დავიღალე
და ახლაც, დედა, მე შენთან მინდა!

გულო კობიაშვილი



ნახატი მარიამ სუჯაშვილისა
VII კლასის მოსწავლე

ბალერინა



რას გავატყვით მამაო

მიცვალებულთა შესახებ (გაზრდილება)

მტკივნეულია თუ არა სულის სხეულთან გაყრა?

ეს დანადგვლებით არავინ იცის. თუ ადამიანს რწმენა აქვს, როგორ დედის ტკივილი იცვლება უდიდესი სიხარულით ჩვილის დაბადების შემდეგ, ისე შეიცვლება ადამიანის სხეულთან გაყრის ტკივილიც სასუფეველში მოხვედრის შემდეგ — იქ ხომ სამუდამო სიცოცხლეა. თუ რწმენით ვიცხოვრებთ, თუ ამქვეყნიური სიკეთის ქმნით მოვემზადებით მარადიული ცხოვრებისათვის, ამ ქვეყნიდან წასვლის წუხილიც სამუდამო სიხარულით შეიცვლება. გაიხსენეთ თუნდაც წმინდანები, რომლებიც ღვთის რწმენით იმდენად იყვნენ სავსენი, რომ სხეულის სულთან გაყრისას სახეზე სიხარული ეწერათ — უფალი მათთან იყო. იგი ჩვენთანაც იქნება გარდაცვალების დროს — ყველამ ვიცით, რომ გარდაცვალების წინ ადამიანები ხედავენ იმ სანახებს, რაც იმქვეყნიურ ცხოვრებაში დახვდებათ. ამით ღმერთი ადამიანს წინასწარ აჩვენებს და აჩვენებს იმ სამყაროს, საითკენაც მიდის და მარადიულ ცხოვრებაში გადასვლის გზას უადვილებს.

მამაჩემი კომუნიზტი იყო და ბუნებრივია, კომუნიზტურ იდეოლოგიას იზიარებდა, რომელიც უფალს უარყოფდა. მინდა ეს ცოდვა მას შეუნდოს და მისი სულისათვის ვილოცო, მაგრამ არ ვიცი მონათლული იყო თუ არა.

როცა ადამიანი სიცოცხლეში უარყოფდა ღმერთს, მისი მოხსენიება საეკლესიო მსახურებებში არ შეიძლება. თქვენ შეგიძლიათ მის სახელზე მოწვევლება გაიღოთ.

რატომ ხდება მიცვალებულის მოხსენიება გარდაცვალებიდან მესამე, მეცხრე და მეორმოცე დღეს?

გარდაცვალების მესამე დღეს მოხსენიებას გააჩნია საიდუმლო მნიშვნელობა, რომელიც ეხება სულის იმქვეყნიურ მდგომარეობას. როგორც წმ. მაკარი ალექსანდრიელს გამოუცხადა ანგელოზმა, ამ დროს ღოცვის შედეგად მიცვალებულის სულს უმსუბუქდება მწუხარება, რომელსაც ის გარდაცვალების გამო გრძნობს. გარდაცვალების შემდეგ ორ დღეს სული ანგელოზებითან ერთად მიწაზე იმყოფება, იქ, სადაც მას სურს. სული ზოგჯერ ტრიალებს იმ სახლის მახლობლად, სადაც ცხოვრობდა. მესამე დღეს უფლის ნებით სული ზეცაში ადის ღვთის თავყვანსაცემად.

ამის შემდეგ მას უჩვენებენ სამოთხის მშენიერებას და წმინდანთა სავანეს. ის ათვალიერებს ყოველივე ამას ექვსი დღის განმავლობაში. მას ავიწყდება ის წუხილი, რომელიც სხეულთან გაყრის გამო ახლდა. მეცხრე დღეს ანგელოზებს კვლავ ღმერთთან მიყავთ, რათა თავყვანი სცეს შემოქმედს. შემდეგ სული ჩაჰყავთ ჯოჯოხეთში და 30 დღის განმავლობაში მოატარებენ იქაურობას.

მიცვალებულის გამო ორმოცი დღის განმავლობაში გლოვა უძევლესი დროიდან მოდის. რიცხვი — ორმოცი — მნიშვნელოვანია. ხშირად გვხვდება წმიდა წერილებში (მოხე ორმოცი დღე-ღამე მარხულობდა ებრაელი ხალხი ორმოცი წლის განმავლობაში მიირთმეოდა მანანას; იესო ქრისტემ ნათლისღების შემდეგ კი ორმოცი დღე-ღამე გაატარა უდაბნოში. წმინდა ადღგომის შემდეგ კი ორმოცი დღის განმავლობაში ასწავლიდა მოციქულებს ღვთის სასუფეველის შესახებ).

როგორც უფალმა იესო ქრისტემ სძლია ეშმაკს მას შემდეგ, რაც ორმოცი დღე მარხვასა და ღოცვაში გაატარა, ისე წმინდა ეკლესია ორმოცი დღის განმავლობაში ღოცულობს, მოწველებას გასცემს და უსისხლო მსხვერპლს სწირავს მიცვალებულთათვის. გამოითხოვს მისთვის ღვთის მადლს, რომ ცათა სასუფეველში დაძვინდეს. მეორმოცე დღეს სული უფლის სამსჯავროზე წარსდება.

შეიძლება თუ არა გამოცვალო 19-21 წლის წინ გარდაცვლილი ბებიისა და ბაბუის სურათები საფლავის ქვაზე?

უძველესი ქრისტიანები საფლავებზე საერთოდ არ აკეთებდნენ სურათებს — მათი რწმენის გამოხატვა უბრალო საფლავის ჯვრით შემოკობა გახლდათ. სურათები სასაფლაოზე მაშინ გამოჩნდა, როცა ფოტოგრაფია შეიქმნა. აქედან გამომდინარე, სურათის საფლავის ქვაზე ეკლესიურ კანონიკასთან კავშირი არ აქვს. თუ თქვენ გნებავთ წინაპრების ძველი ფოტოების შეცვლა, შეცვალებით, ეს თქვენი პირადი ნებაა.

გაგრძელება შემდეგ ნომერში.

იბეჭდება 2005 წლის „კვირის პალიტრის“ მიერ გამოცემული „რას გვეტყვით მამაო“ — კითხვების კრებიდან.

რედაქტორი მანონი ბოშიაშვილი	სარედაქციო კოლეგია: არამიანდრიტი ნიკოლოზ ლლონტი, ციცინო ლულუშაური, ნინო თურაძიაშვილი, მარიამ ჟიჟლაური, თემო ბუჩუკური.	მის. სტეფანოშვილის ფ. ილია მართლის სახ. ბიძგაშვი- პანსიონი
--------------------------------	---	---